

應 用 唯 識 學 決 定 生 淨 土 論

劉 淨 密 著

上 海 佛 學 書 局 發 行

中華民國二十七年六月再版

◎每冊定價大洋叁角

(外埠酌加郵匯費)

應 用 唯 識 學 決 定 生 淨 土 論

全 一 冊

著 述 者

川南劉淨密居士

校 訂 者

浙江范古農居士
川南吳冰國居士

出 版 者

四川自貢 佛學社 代表 王德謙居士
救劫會 吳冰國居士
廖樹卿居士

總 發 行 者

上海佛學書局

愚園路一五四號 電話三五五四

分 發 行 所

佛學書局分局

上海：參持赫司脫路
上海：開北新民主路
上海：望平街有正書局
上海：愛多亞路慈林

長沙：玉泉街七十號
北平：東四南大街
杭州：西湖龍翔橋
福州：下南路廿四處

分 銷 處

各埠佛經流通處

序劉淨密居士應用唯識學決定生淨土論

范古農

三界唯心。萬法唯識。爲佛法之綱宗。信願念佛。往生淨土。爲佛法之實驗。亦卽唯心唯識之應用也。試閱淨土聖賢錄及往生集等書。念佛往生淨土者。何可勝數。釋迦本師所謂已發願者已生。今發願者今生。當發願者當生。永明壽禪師所謂無禪有淨土。萬修萬人去者。豈不信而有徵哉。獨是世愈濁惡。障愈深厚。根愈鈍劣。卽此最勝方便法門而不獲卒修。是非法有古今之異宜。皆由於衆生慧力之淺薄耳。夫今之修淨土者。始也信有淨土之可生。信有彌陀之接引。遂發願求生極樂。實行念佛。繼因念佛工夫不能得力。轉而起諸疑情。退失本願。詎法門之不契機歟。晚近密宗大行。修淨土者輒亦舍此而學彼。然淨宗之一生不退。與密宗之卽身成佛。究無二致。而其成就。要皆以得到念佛三昧而有把握。否則必須臨命終時。能自力提起正

念或得遇知識開示助道者。方得決定往生。再不然。純仗法力於中陰身位。得善友念佛回向。或誦咒加持者。亦得轉生淨土。此固無間乎顯密而得其大同者也。今劉淨密居士。深達唯識之理。又擅唯識之用。而宿修淨土法門。及得藏密彌陀長壽合修法後。習而有證。遂發心造此論文。以明淨土法門。確是唯識之應用。自利利他。無往不宜。足令修淨土者得其加行。而有以自信往生之可恃。願力轉得而堅固。雖顯密異方而旨趣無殊。夫固並行而不悖矣。所願世之念佛者。修淨土而不爲謬說所惑。求往生而益增其行願。苟有如彼所修藏密之專功。而致力於向之觀佛持名。亦豈有不獲念佛三昧而致往生之漫無把握也哉。

中華民國二十三年甲戌孟秋

應用唯識學決定生淨土論目次

范序……………(一)

序論……………(一)

(一)佛法之認識……………(二)

(二)唯識學與淨土宗之認識……………(三)

駁韓清淨謬談淨土

(一)總論駁議之所由依……………(四)

(二)分駁……………(五)

(甲)駁韓清淨在北平所講稱讚淨土佛攝受經筆記……………(五)

(乙)駁韓氏所述淨土義……………(一〇)

應用唯識學決定生淨土論目次

二

(1) 總駁		(二〇)
(2) 分駁		(二三)
(子) 駁謬用法相名句以談淨土也		(二三)
(丑) 駁摘句談經顯違佛旨也		(三一)
駁論結勸離惡知識		(四四)
附釋諦閑大師西歸論讚		(四七)
正論應用唯識學決定生淨土		(五六)
(一) 總論		(五六)
(甲) 唯識之界說		(五七)
(乙) 淨土之界說		(五七)
(二) 分論		(五九)

(子)應用唯識學現量證之自利法……………(五九)

附刪節藏傳彌陀長壽合修法……………(七八)

附顯教密教宏法盜法合論有序……………(八四)

(一)顯密問題……………(八九)

(二)傳授問題……………(九二)

(三)盜法問題……………(一〇二)

(四)結示修法要訣及證驗……………(一二三)

(丑)應用唯識學現量證之利他法……………(一二七)

附論

(一)打七念佛新訣決生西方淨土……………(一二六)

附 加持念珠法……………(一二一)

(二) 普施利他惠而不費	(一三一)
修長壽施食獲轉業現證記	(一三七)
施食利他與鬼生淨土記	(一四一)
附 心施密法	(一)
結勸出家求生上品	(二)
錄出出家功德經	(三)
結論之希望	(一二)
附勸修冥陽共利二大神咒并證驗記略	(一四)
跋	(一八)

應用唯識學決定生淨土論

修學著密乘戒淨業學人劉淨密泌子述

序論

頌曰。『點金成石石成金。巧拙都從藝術分。牛乳一朝稱毒藥。庸醫妄作誤蒼生。』又頌曰。『執非爲是誤人多。叩馬徒勞歎奈何。我憫獅虫哀佛子。願爲化鳥普悲歌。』右二頌係予數年前鑒於法相宗徒謬攻淨土而作。甚者爲北平之韓清淨著有一「淨土義」見海潮音文庫十義量中及在北平講演「稱讚淨土佛攝受經講演筆記」伯官行記力言西方淨土、菩薩乃生、凡夫無分。謗佛謗法、文口雙宣。牛乳成毒、於乳何尤。予曾爲長文以勸之、不蒙採納。頌中所以有叩馬徒勞之句也。然則「唯識學」與「淨土宗」果立於乖角地位、如冰炭之不相容耶。予性樂科學者。少年留日京時。研究物理、習化學、尤喜「應用」以其不涉空談。嗣歸像教、專修淨業。長素念佛、日課

十萬。暇時兼習唯識學、泛覽而約收之。頗以淨土妙門、若非有唯識教義、以爲現量之證明。則佛法直等談玄、何足寶哉。其後更由藏密、與科學之探考。究竟獲得一應用唯識學決定生淨土之自利利他現證妙法。予生也晚、依止無師。原擬精研、不遑問世。乃以予之舊好友、朱芾煌、官伯行君等。原修念佛、後改法相。卽依韓說、力排淨土。官君旋歿。淨土之信根旣動、唯識之研習未遑。妙手辭塵、可憫奚似。予親觀其受禍之孔烈、而邪燄之方興也。不惜舉其謬誤、以正告天下。而并以親證於自於他。決生淨土現量可證之新義、公之羣衆。以冀共同研證。一洗無謂之玄解。當爲踏實求利諸仁、所樂聞者乎。欲申予說、有二認識。

(一) 佛法之認識。

世間有限之科學、無不一一以現證爲其指歸。安有宏大無外之佛法、而無現證之可能乎。以是爲嚴格之判斷。認定佛法、於三量證成道理中、絕對屬之現量。凡

依修學、理應剋期取證。乃一徵諸事實、而有大謬不然者。去聖云遙、師承旦夢、同學禪觀、百難一證。試爲一一叩其因由。乃知此中、困於惛掉者固多、而欠於他緣者尤廣。涅槃經曰。

無量衆生、應般涅槃。以所乏故、妨亂其心。或四大羸劣、不能修道。或教化恩務、不能得定。是故不得涅槃。是知佛法以現證爲原則、以不證爲欠緣矣。

(二) 唯識學與淨土宗之認識。

依於上項欠緣事實。諸佛慈悲、哀憫凡愚。茫茫苦海、輪轉無休。於斯濁世、苦惱集迫。三祇百劫、進少退多。道尺魔丈、煩惱是叢。欲求淨定、難若登天。爰有西方淨土之建立。彼西方彌陀淨土、純顯佛智、巧攝異生。專爲救度煩惱結晶之欠緣衆生而設。令其捨此生彼、保證作聖。名曰「轉移修地、令具諸緣」。凡具信願、念佛求生者、無一不生、且生卽不退。普令各各、皆依彼土而般涅槃。是爲諸佛徹底悲衷之所發。

煌。三藏教中、捨此一法、均難成就。十方諸佛、及諸菩薩、捨此一法、所有悲願、無從顯現。以故「大乘起信」引作殿軍、眞具隻眼。良以西方樂土、法法具相、相相是法。一具行願、唯識義成。淨典淺明、有目共瞻者也。獨是欲申應用唯識教義、證明淨土絕對易生之理。當先對於謬執唯識、破壞淨土諸邪說、依經而斥駁之。所謂非破邪、無由顯正也。否則謬種流傳、懼傷眞義、非以興淨、不得已耳。

駁韓清淨謬談淨土。

(一) 總論駁義之所由依。

韓氏謬以地上淨土、牽談彌陀之大悲淨土。謬誤滋深。誤已誤人。徒以一時僞辯之辭、撼惑大眾。所謂「佛法非唯識教理六經十一論、不可依。非龍樹、著親、奘、基諸祖所著譯、不可信。自貢上承奘師、能解眞義。」又謂「淨土彌陀經典、羅什誤譯、不可依修。奘師新譯、乃無錯誤。」等語。一若持之有故、言之成理然。自非精研淨宗、

有得於心之士、鮮不受其迷醉者。此本駁議之所由作也。今所依駁、除世俗譬喻外、概以韓氏所指定崇拜之諸祖師、及彼譯著爲限。庶獲共許、而期其信服乎。若欲廣知彌陀要義、請讀佛學書局、阿彌陀佛聖典。集引經論。二百多種。借證顯密教中。彌陀第一也。

(二) 分駁。

(甲) 駁韓清淨在北平所講稱讚淨土佛攝受經筆記。

韓云。「阿彌陀經、羅什舊譯多誤。此經奘師新譯、文義乃全。如羅什所譯、「執持名號。」大誤特誤、流弊至今、不可究詰。因羅什不通漢文漢語故。奘師譯云、「一切皆應信受發願、如說修行。」欲生淨土、若不修行、如何能去。足見奘師之修行二字、重到萬分。所謂修行者、修何行乎。略有四種。謂得修、習修、除去修、對治修等義。又修行者、卽經中所云、甚深念住、正斷、神足、根力覺道支等、用以熏修其身。」又云、「修集善根、修集福德智慧、爲往生之資糧。若無善根、無資糧者、皆生不去。」又云、「

經中所言不退轉、非指凡夫。蓋八地前之菩薩、尚有退轉者。」又云、「三阿僧祇劫事、行之不修、煩惱不除、識烏能淨。識之不淨、與我佛穢淨異途矣。又烏能生彼土哉。決知世以念佛爲修行者、都由依於羅什執持名號之錯誤、不得契師正解。決無凡夫發願念佛求生淨土、卽得生者。如此行持、是爲依於妄情、增長貪執。」等語。

駁曰。按契師所譯稱讚淨土佛攝受經第六頁云。

若有淨信諸善男子、或善女人、得聞如是無量壽佛、不可思議功德名號、極樂世界莊嚴。聞已思惟。若一日、夜、或二、或三、或四、或五、或六、或七。繫念不亂。是善男子、或善女人。臨命終時。無量壽佛、與其無量聲聞弟子、菩薩衆俱。前後圍繞。來往其前。慈悲加祐。令心不亂。既捨命已。隨佛衆會。生無量壽佛極樂世界清淨佛土。

此段卽爲全經中、正教諸男女修行之法。核其要目、朗朗訂明。

(一)曰聞已思惟。此思惟二字、即是依於所聞、如經中列舉之十三項、依正情狀莊嚴安樂而已、

(二)曰繫念不亂。繫念於思惟事中、不作他想、即名不亂、

其修行時間、由一日夜、或七日夜、各從其便。只限如此微末工作、照章修了。其人臨命終時、佛決來迎。何曾說要諸善男女、修三十七菩提法等、乃許往生耶。況更言明接引之時。佛與聲聞菩薩、來住其前。此其字、當然指上言淨信男女。決非佛帶同聲聞衆、去迎菩薩。且地上菩薩、各有定法。更毋庸佛與聲聞衆圍繞、慈悲加祐、令心不亂。且佛即加祐可也、豈聲聞之儔、而能加祐菩薩耶。即此一段、西方淨土、純度凡夫、非度菩薩、已可概見。

復次。全經中指定若諸有情者、二十三番。指定善男女者七番。指定衆生者兩番。確切表明、爲帶業有情、謀不退之安樂地而已。并無一句爲度菩薩而說。於何知然。彼經五頁中云。

應用唯識學決定生淨土論

八

若諸有情、生彼土者、皆不退轉。

韓云不退轉非指凡夫、即此已見顯背經文、

必不墮諸險惡趣、邊地

下賤、篋戾車中、常遊諸佛清淨國土、殊勝行願、念念增進、決定當證阿耨多

羅三藐三菩提。

只玩此段更見了然明白、是對凡夫說、因爲只保其不墮險惡下賤等而已。考之玄奘大師所譯大般若經、第三百九十四卷、淨土方便品言。

具壽善現、復白佛言、世尊、住正性定聚諸菩薩摩訶薩、爲復墮於諸惡趣、不
佛言善現、住正性定聚菩薩摩訶薩、決定不復墮諸惡趣。復告善現、於汝意
云何、若預流、若一來、若不還、若阿羅漢、若獨覺、爲有復墮諸惡趣者不。善現
答言不也、世尊、不也、善逝。佛言善現、住正性定聚諸菩薩摩訶薩、亦復如是、
決定、不復墮諸惡趣。

良以聲聞羅漢、已不受後有、預流諸果、不墮惡趣。焉有對菩薩說、而許其不墮險惡

下賤邊地等耶。此鐵案確證的是爲有情說，決非對菩薩說。云何菩薩乃生，凡夫無分耶？又彼經五頁云。

若諸有情，生彼佛土，得與諸大士等同一集會，受大乘法樂，常無退轉，無量行願，念念增進，速證無上正等菩提。

此段更以明瞭之語，指明諸有情得與諸大士同處受樂不退，更萬分不能轉換云。菩薩乃生，凡夫無分矣。而仍保其常不退轉，更足證明韓氏所云不退轉法，非指凡夫尤爲妄說之至。足知此法全在度凡，不在度聖。而且十方諸佛現廣長舌相，普勸有情信受，非勸菩薩。十番朗述，文句昭明。

復次結經再說。

爲欲安樂利益諸有情故，說是世間極難信法。

因爲希奇殊特，能使有情用力少而收益大，帶業重而除滅巧，纔算善爲有情謀利。